

*Landsfundur Kvennalistans:*

# Laun og kjör kvenna aðal-málið í stefnumótuninni

Landsfundur Kvennalistans hófst á Varmalandi í Borgarfirði í gærkvöldi. Fundinn sækja um hundrað konur, víðsvegar að af landinu. Fyrir landsfundinum liggja drög að stefnuskrá sem verður uppi-staðan í baráttu Kvennalistans fyrir næstu alþingiskosningar. Stefnuskrárdrögin koma frá málefnahópum sem starfa innan Kvennalistans en þau verða nú borin upp á landsfundinum að lokinni

venjulegri málsmeðferð þar.

Þórunn Sveinbjarnardóttir framkvæmdastjóri kvaðst ekki geta greint efnislega frá drögum um er Tíminn hafði samband við hana í gær, en taldi þó líklegt að megináhersla væri lögð á laun og kjör kvenna. Ekki taldi hún líklegt að um sérstaka stefnubreytingu Kvennalistans yrði að ræða í þeim málaflokki þótt ákveðnar tillögur yrðu settar fram. Áður hefur Kvennalistinn viljað ná fram uppstokkun á

launakerfi ríkisins, en sú krafa sem fyrst og fremst hefur staðið í vegi fyrir ríkisstjórnaraðild Kvennalistans er lögbinding lágmarkslauna.

Þórunn Sveinbjarnardóttir sagði að framboðsmál yrðu ekki til umræðu á landsfundinum. Hún staðfesti að framboðsmálin í Reykjavík væru komin á rek-spöl. Uppstillinganefnd væri nú að vinna úr ábendingum sem fram hefðu komið í fyrrí umferð könnunar sem fram færí áður

en listi kæmi fram. Síðari umferð færí fram að loknum landsfundinum, en þar yrði skoðanakönnun um uppstillingu í fyrstu tíu sætin á listanum. Úrslit þeirrar könnunar eru þó ekki bindandi. Formaður uppstillingarnefndar Kvennalistans í Reykjavík er Guðrún Agnarsdóttir, áður alþingismaður.

Eins og fram hefur komið í fréttum er framundan uppstokkun í þingliði Kvennalistans. Vegna reglna samtakanna um að þingmenn megi ekki sitja samfellt lengur en sex ár er útlit fyrir að eini þingmaður Kvennalistans sem nú á sæti á Alþingi verði Kristín Ástgeirs dóttir. ■

## Snækeldi í Evium